

## Маркас 4 бөлг.

1. Иисус дэки теңгсин өөр сурһв. Терүнэ өөр дала эмти хурж, тегэд Иисус оңицд орв. Оңиц теңгс дотр зогжасмн, цуг эмти болхла теңгсин көвэ деер зогсад Терүг соңсж.
2. Иисус олин цецн келврмүдэр эмитиг дасхад, эврәннь дасржах сурһулин тускар иим цецн келвр орулад келсмн:
3. Соңсхатн. Нег тэрэч тэрхэр харч.
4. Цацн тэрэнэ экн зэрмнь хаалһин өөр унж, тенд һазрнь баһ билэ. Энд буудя шулун урһж, юңгад гихлэ эн һазр гүн биш билэ.
6. Зуг нарн хархла, эн шулун урһсн буудя хумхарад хагсна, яһад гихлэ урһмл уңг уга билэ.
7. Талдан экнь хатханчг загт унж. Зуг хатханчг урһад, өндр болад, тэрэнэ экиг бүтәһэд дарв, тегэд буудән экн урһц өгсн уга.
8. Зэрмнь сән һазрт унад, темс өгдг болв. Негнь - зун холван, наадкнь – жирн холван, таалданнь һучн холван ик урһц өгдг болв.
9. Тегэд Иисус эднд келв: «Ямаран чигн күүнд чикнь соңсхин төлэ бәэхлэ соңстха!»
10. Иисус һанцарн үлдсн кемлә өөрнь бәэсн улс болн сурһульчирнь эн цецн келвр юуна тускар цәэлһжәхинь Терүнәс сурцхаж.
11. Иисус эднд келв: «Теңгрин Бурхна нутгин нуувч танд сәкәтә, болв наадк улст цуг эн нууц цецн келврмүдэр өггджәнә.
12. Тегэд чигн эдн нүдәрн үзвчн – үзжәхш, чикәрн соңсвчн – медж чаджахш. Цуг энүг медж чадсн болхла, тедн Бурхиг күндлж тевчәд, эврәннь килнцән тәвүләд цеврлгдх билә.»
13. Цааранднь Иисус теднәс сурв: «Эн цецн келврт юуна тускар келгджәхнь танд медж чаджахшвт? Тегэд цуг цецн келврмүдин чинрнь танд яһж медж авхмт?

14. Бурхна үг – Байрта зэнг – тэрэч тэрхэр харч.
15. Хаалһин өөр тэрсн тэрэн иим улсин тускар: Бурхна үг -Байрта зэнг – соңсвчн, ухандан оруллго, эс медж чадсн учрар хар саната эрлг ирэд, зүркнднь тэрсиг хулхалад авчкна.
16. Чолута һазрт тэрсн экн – Бурхна Үгиг соңсар, шулуһар болн байртаһар бийдэн орулж авсн улс,
17. зуг тедн йозур уга болн бат иткл уга улс болжана. Тегэд Бурхна Үгэс келтэ зовлң болн көөлдэн ирхлэ, тер улс дарунь Бурхна Үгиг ардан үлдәһэд хайчкна.
18. Хатханчг дунд тэрсн экн – Бурхна Үг соңссн улс заажана,
19. зуг жирһлин зовлңгдан даргдад, алтнд, мөңгнд дурлад болн нань чигн талдан санан — седвэртэн авлгдад Бурхна Үг хаяд, тегэд урһц уга үлднэ.
20. Сән һазрт тэрсн экн – Бурхна Үгиг чикэр медсн болн зүркндэн орулсн улс. Иим улс дала урһц авч ирнэ. Теднэс негнь — зун холван, наадкнь — жирн холван, талдань — һучн холванас ик урһц өгнэ.
21. Иисус эднд келв: «Шомр орн дор тэвхэр эс гиж деерэснь ааһар хааһар авч ирдв?
22. Нег чигн юмн нууц уга, юңгад гихлэ цуг нууц юмн тээлгдх, бултулгдсн юмн секгдх.
23. Соңсхин төлэ бээх чиктэ болн соңсхар седжәхлэ – тер улс соңстха!»
24. Иисус эднд иим үгмүд келв: «Мини келсн үгиг оньган өгэд соңстн. Ямр кевэр бийдэн орулж авнат, тер кевэр таднд өггдэд болн деерэс немгдх.
25. Кенд бээсинь, терүнд деерэс өггдх, кемр күүнд уга болхла терүнэс бээснь булагдад авгдх.»
26. Иисус цааднрань келв: «Бурхна Тенгрин орн-нутг һазрт тэрэ тэрчксн күүнлэ эдл.
27. Тер күн сөөд унтад, өдртнь босад йовна, зуг тэрсн буудянь яһж һазр дор урһжахнь медхш,
28. юңгад гихлэ һазр эврэн бийнь урһцан өгнэ. Түрүлэд буудэн экн һазрт батрад,

көк ишнь һазрас бултаһад, урһлм өсөд, буудян толһа һарна.

29. Буудя болсн кемлә, дарунь күн хадуран авад ирнә, юңгад гихлә хадх цаг ирсмн.»

30. Тегәд Иисус игж келв : «Теңгрин Бурхна орн-нутгиг юунла дүңцүлж болх? Ямаран цецн келврәр цәәлһж болх?

31. Бурхна Теңгрин орн-нутг һазрт тәрсн хамгин бичкн горчисин экнлә әдл болжана.

32. Зуг эн урһад ирхләрн цуг урһлмудас ик болна, тегәд терүнә ик ацмудын сүүдр дор теңгрин шовуд үүрән ясцхана.

33. Тиим дала цецн келврмүдәр Иисус Байрта зәңгс әмтн тодлж, соңсж,ухалһж авхин төлә дасхдг бәәсмн.

34. Цецн келврмүд угаһар Иисус әмтиг сурһдго билә. Зуг әврәннь сурһульчнртаһан үлдсн цагт цецн келврмүдин чинрнь Иисус цәәлһж өгдмн.

35. Тер өдрин асхн болж йовсн кемлә Иисус сурһульчнртан келв: «Теңгс һатлад талдан әргүр күрхмн.»

36. Өөрән бәәсн әмтиг үлдәһәд, әдн Иисусин суусн оңһцур орв. Әднә оңһцин ардас талдан оңһцс усчв.

37. Генткн чаң салжкн көдләд, ик дольганд оңһц усар дүүрв.

38. Иисус оңһцин зах талнь дерләд унтж. Сурһульчнрнь Терүг серүләд келж: «Багш! Мадн уснд авгдад, чивәд үкн гижәнәвидн! Та мадна тускар зовжахшийт?»

39. Иисус босад, салькнд болн теңгст закв: «Тагчг бол! Зогс!» Тер дарунь салькн зогсв. Тагчг болж одв.

40. Иисус сурһульчнрас сурв: «Юңгад тадн әәцхәвүт? Иткл таднд угай?»

41. Сурһульчнрнь йир икәр әәһәд, нег- негндән келж: «Кемб Эн, салькн чигн, тежгс чигн Терүнә заквр соңсад зогсдг?»

